



INDGÅET

Inatsisartunut ilaasortaq Nikolaj Jeremiassen, Siumut
/ Maani

19 FEB. 2014

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqquteqaammut nr. 041-2014-imut ukiuunerani qimussimik aavarneq pillugu akissut.

Inatsisartut suleriaasianni § 37 naapertorlugu Kangaatsiap tuttoqarfiini ukiuunerani qimussimik aavarsinnaaneq pillugu Naalakkersuisunut apeqquteqarputit. Apeqqut uannit akineqartussanngorlugu innersuussutigineqarpoq.

13. februar 2014
Sagsnr. 2014-096117
Dok. Nr. 1487486

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Naalakkersuisunut apeqqut:

Ukiuunerani Kangaatsiap tuttoqarfiini immikkut qimussimik aavarnissamut Naalakkersuisut ammaassinissanut killilimmik periarfissiisinnaanerlutik?

2013/2014-imi tuttunniarnissaq ukiukkut/upernaakkut 2013-imi pilersaarusiorneqarpoq. Pilersaarusiorneqarnerani 2012/2013-imi tuttunniarneq aallaavigineqarpoq taamaattorli Pinngortitaleriffimmiit siunnersiunerup allannguutai kiisalu tusarniaanermi akissuteqaatit ilanngunneqarlutik, taassumalu ataani Pinngortitaleriffiup inassutigaa Kalaallit Nunaata kitaani inuussutissarsiutigalugu sunngiffimmiit tuttunniartunut ukiuunerani tuttunniarnerup matuneqarnissaa. Tamanna tuttoqatigiit maannakkut amerlavallaarunnaarneranik peqquteqarpoq soorlu ukiuni arlalinnngortuni ukiuunerani upernalerneranilu tuttunniarnerup ingerlanneqarneranut peqqutaasimagaluartoq.

Piffissat tuttunniarfiusussat siunnersuutigineqartut piffissami 13. maj-imiit 17. juni ilanngullugu kommuninut, aalisartut piniartullu peqatigiiffinnut kiisalu soqutigisaqartunut allanut tusarniutigineqarput tassanilu Qaasuitsup Kommuniianiit tusarniutigineqartumut tuttunniarneq pillugu akissuteqartoqarani.

Tusarniutigineqartumut akissutit tunngavigalugit ilaatigut aalisartut piniartullu peqatigiiffinninngaaneersut piffissat tuttunniarfiusussat 31. juni 2013-imi Aalisarnermut Piniarnermut Nunalerinermullu Naalakkersuisumit akuersissutigineqarput.

Qulaani taaneqartut tunngavigalugit nalunaarutigissavara ukiuunerani Kangaatsiap tuttoqarfiini qimussimik killilimmik aavarnissaq immikkut akuersissutigineqassanngitsoq.

Ilisimatitsissutitut nalunaarutigineqassaaq ukiuunerani tuttunniarsinnaanermut qinnuteqaat assinganik itigartitsinermut tunngaveqarluni itigartitsissutaammat.

Inussiarnersumik inuulluaqqusillunga

Finn Karlsen